



UNIVERSITÄTS-
BIBLIOTHEK
PADERBORN

Sacrarvm Antiqvitatvm Monvmenta

Hillesheim, Ludwig

Antverpiæ, 1577

Iacob.

[urn:nbn:de:hbz:466:1-68887](https://nbn-resolving.de/urn:nbn:de:hbz:466:1-68887)



Genes. 28. *Hinc sacer Isacides alto celebretur honore,
Cui se cælestes exhibuere chori:*

Quem

*Quem pietas, durisq; fides exercita rebus,
Felicem magni fecit amore Dei:
Pacta q; speratam Deus exhibitura quietem,
Fædere mansuro cui renouata dedit.
Ex torris patria sollerti indagine fretus
Naturæ, tenues per uigil auxit opes.*

Genes. 29.

*Natorum numero, prouentu diuite rerum,
Coniugij vario latus amore reddit.*

*Nomen & Israël sacræ certamine luctæ
A summo impositum numine victor habet.
Ab quibus ille tamen curarum percitus undis,
Sed Domino tutus vindice semper erat!*

Genes. 32.

*Vltima penè fuit misero lux illa parenti,
Cùm vidi pictæ signa cruenta togæ.*

Genes. 37.

*Post tamen in melius vertuntur ut omnia iustis,
Crediderat sœuas quem laniaffe feras:
Audiit illustri post tanta pericula forte,
Sublimem Phario dicere iura solo.*

Gen. 45, 46.

*Nec mora, cùm cælo monitus, gnatiq; rogatu,
Viseret excursus aduena Nile tuos:*

*Transferretq; suos peregrina in rura penates,
Et nato, & multis auctior inde bonis.*

*Turba Dei summo mentes attollite cælo,
Vos sors æterno munere lata manet.*

*Alma Dei toto maiestas panditur orbe,
Et vigil ex alto despicit ima loco.*

*Vt iustis æqua decernat præmia dextra,
Hæc vestri merces magna laboris erit.*